

Universitäts- und Landesbibliothek Tirol

Franz Schwegger's Chronik der Stadt Hall

Schwegger, Franz

Innsbruck, 1867

Vom müntzwerck

in ain sum auch nach laut des registers vierhundert mark sibn und neuntzig mark, zway pfunt pn. drey chräutzer ain virer.

So hat man ir innemen und ausgebn gegenainander gelegt und abgezogn und sint die obbenenten drei chamrer über alles ausgebn der stat danocht schuldig wordn sibn und fünfzig mark, sibn pfunt pn. 1 kr. 1 virer.

Nota so ist in die obgeschriben raitung nit gelegt worden die 49 mark, die Jörg Scheiber in seiner raitung schuldig ist worden von des chorns wegen auf der stat chastn, so er verchauft hett und auch von der pekn gelt wegen, so er von in ein-genomen hat von den pekn nach laut seiner raitung. So stet der stat vorhanden die hausperner im pfanhaus von der chotember zu michahelis hintz auf die kotember zu weinachten des sibn und vierzigstn jars, auch mer, was der Albrecht Spör noch schuldig worden in seiner raitung des chorn verchauffens auf dem chastn von dem palm tag [2. April] hintz auf sant Jörgn tag des 47 jars, bringt ains und vierzig pfunt.

Auch stet der stat zu was geltz die drey chamrer von der stat wegen auf holtz, chalch und andern zeug für gelihen haben nach laut des registers und auch das chorn, das noch vorhanden auf dem chastn ligend ist, das hat man übergemessn an Erhardi [8. Jän.] anno 48 und ist gewesen 10 mutt und 21 stár.

Pey der obgeschriben raitung sint gebesen Christof Sigwein, richter, Sigmund Oelkopf, Hainreich Hausman, Ambrosi Hamerspach, Hanns Füeger, Hanns Püchlinger.

Nota mit Jörgn Scheiber, als mit der stat chastner, hat man ain raitung getan an dem freitag in der ersten chotember in der erstn vastwoch des 48 jars von des chraützers wegn, den die pekn der stat von yedem ster chern gebn, als von dem freitag in chotember vor weinachten anno 47 hintz auf den obgeschribn freitag und haben genomen und gemessen in der vorgemelten zeit bringt 900 ster chern und 93 ster, davon sy der stat geben haben von yedem ster 1 kr. facit 8 mark 2 pfund 9 kr.

[Folgt wieder die handschrift des chronisten Schweiger.]

Vom müntzwerck.

Unter der regierung erzherzog Sigmund von Oesterreich ist das müntzwerck durch sein fürstlich gnaden von der stat Meran gen Hall hieher transferiert worden.